



## KOMUNIKADO PA PRENSA

Fecha  
24 di ougùstùs 2016

Kolaboradó di Maneho  
Corinne Leysner

Email  
[corinne.leysner@gobiernu.cw](mailto:corinne.leysner@gobiernu.cw)

### MINISTER DI PLANIFIKASHON URBANO TA PRESENTA PLAN INTEGRAL PA FUTURO DI SENTRONAN DI SIUDAT

Willemstad – Riba djamars 23 di ougùstùs Minister di Tráfiko, Transporte i Planifikashon Urbano, sra. Suzy Camelia-Römer, a presentá e 'Plan di Maneho pa Willemstad Histórico 2016-2020', na diferente stakeholder ku a yuda traha riba e plan i na su koleganan di e ministerionan di Desaroyo Ekonómiko i di Enseñansa i Kultura. E Plan di Maneho ta kontené e vishon di Minister Suzy Camelia-Römer, i di e diferente organisashonnan ku a traha riba dje, tokante konservashon i mantenshon di nos centro di siudat histórico pa e siguiente 6 año.

E Plan di Maneho mester mehorá kolaborashon entre e diferente partnernan. Na año 2020, Willemstad histórico mester keda konservá i guiá pa un ofisina di kordinashon ku ta traha aktivamente, dentro di e liñanan di maneho i huntu ku e gruponan di interes, na e centro di siudat. Pa por hasi esaki, mester tin bon komunikashon i suficiente finansa. Na 2020 hopi di e plannan mester ta ehekutá kaba na un manera holístico i koherente, ku solushonnan inovativo pa riesgonan manera klima i laman.

For di 1997, Willemstad histórico ta riba e lista di patrimonio mundial di UNESCO, banda di otro lugánan spesial riba mundu, manera e Piramidan di Gizeh na Egipto i Macchu Pichu na Perú. Pa keda riba e lista di patrimonio mundial, UNESCO ta pidi pa un plan kla pa por mantener e kalidat di Willemstad histórico. Na año 2014 Ministerio di VVRP a kuminsá un trayekto ku un konsehero eksterno, pa traha un Plan di Maneho pa Willemstad. Den e periodo ku a pasa tabata tin diferente seshon di trabou kaminda a inklui un grupo amplio di gruponan di interes. Huntu a identifiká 13 tema pa hasi e plan mas integral posibel, manera maneho di awa, balor soshal, planifikashon urbano, balor turístico, maneho finansiero i kalamidatnan.

A base di e temanan a traha un programa di akshon mas amplio ku solamente e ministerio konserní, ku tambe ta pone partidonan público i privá traha huntu. Algun ehëmpel di e programa di akshon ta:

- pone supsidionan disponibel pa restourá monumentonan
- renobashon di espasionan público
- prepará Parke di Mangrove como parke ekológico den siudat
- mehorashon di seguridat dor di pone kámaranan di seguridat
- mehorashon i oportunidatnan pa hasi kompras (Punda Vibes)



## KOMUNIKADO PA PRENSA

Fecha  
24 di ougùstùs 2016

Kolaboradó di Maneho  
Corinne Leysner

Email  
[corinne.leysner@gobiernu.cw](mailto:corinne.leysner@gobiernu.cw)

- kreashon di eventonan pa hendenan lokal i turista (Blue Seas Festival)
- atendé interes di habitantenan pa sigurá un habitat plasentero (Federashon Otrobanda, Fundashon Ser'i Otrobanda, Federashon Rif, ets)

Banda di eseí a deskribí algun punto nobo pa un mihó mantenshon di Willemstad. E renobashon resien di Breedestraat, Punda ta e promé proyekto den un seri di mehorashonnan di espasionan públiko den sentronan di siudat. Tur gruponan di interes tabata envolví, loke a resultá den un bunita resultado. Tin un punto di akshon tambe tokante intervensionnan stimulante, loke mester resultá den asosashonnan positivo i invershonnán nobo. Ehèmpelnan di esaki ta supsidionan, bentahanan di impuesto i simplifikashonnan di prosesonan pa pidi pèrmitnan.

Pa medio di edukashon i programanan di konsientisashon ta bai duna mas atenshon na kalidat i balor di patrimonio mundial. Ta nos patrimonio mundial e ta ku nos tin ku protehá, kaminda e bishitante semper ta bon biní pa gosa di dje, pero ku nan tambe tin ku trata i atmirá ku rèspect, segun e balor ku nos ta duna na nos edifisionan i sitionan históriko.